

apirán it mayád nga buot, *do* gina tinguhà lisolisó nga makawhat ag maabút.

Rong

Rayang bisaeá hay bukon it iba kondi *ro* ag *manga* nga gina bingkit ag gin dueaan it ibang letra; apang dayang pag impon ku *do* ag *manga* hay gina himo eamang ku mga bag-ong manunoat sa inakeanón kon bukon it salik-~~awot~~ ^{waot} pamatian ag may kinahangean.

Dong

Kon imponon *ro do* ag *manga* hay naguwà nga *dong*: apang rayang pag iba hay gina himo eamang kon kinahangean, ag bukon it salik-awot pamatian, pananglitan, sa pag buhat it *verso* kon mag eabaw *do* sílaba. Halimbawà:

Rong tawo nga maeupigón,
Ra tagiposun, buhî pa,
Hay gina kao't ueod eon.

Kon isueát it "Ro manga tawo nga maeupigón" hay maguwà nga eabáw sa siyam nga ka limog o mitlang, sanglit ay *do gón* hay gina kabig nga daywang mitlang, tungod nga maabtik ro pag hingaeán.

Rang, Ring, Ra; Dang, Ding, Da

Ro mga bisaeá *ro akon nga*, *ro imo nga*, *ro ana nga* kon impunon hay nahimo nga *rang*, *ring*, *ra*, ay gina dueaan it ibáng letra: maw man *do ga* kahanabû sa *do imo nga*, *do akon nga*, *do ana nga*, na kon pinsanon hay naguwà nga *ding*, *dang*, *da*.